

صاحبی ، مدیری ، محرری :



اسلامك نفعنه خادم مقالات
مع الت شكر قبول ونشراولونور
يازانك شخصيتي دكل ، يازنك اهميتي
نظردفته آئينير .

كلن يازيلردن شايدن قبول كودولنلر :
تاريخ صيراسيله دوج ايديلير .

مخمس

۱۳۳۸

علمی ، ادبی ، اجتماعی و شیمیاءك شهری

مجموعه در

۱۳۳۹ ذی القعدة سنه مخصوص نسخه

عدد : ۱۳

اداره خانه سي : شهرزاده باشنده

تعالی اسلام

جمعیتی مراکز عمومیتی

مراکز توزینی :

باب عالی جاده سنده (اتحاد

تجارت) كتبخانه سي

آبونه بدلی :

سنه لكی ۱۲۰ غروش

آلتی آلتی ۶۰

اوج آلتی ۳۰

فی ۱۰ غروش

مدرجات :

افاده مخصوصه - طاهر المولوی .

مخمس ادبی : نعت شریف - شعور المولوی . رمضان تحسسات و تأثراتی - احمد شیرانی .

ایران ادبیاتی ، ظهیر الدین فاریابی ، خاقانی شروانی ، نظامی گنجوی ، امیر خسرو دهلوی ، کمال الدین
اصفہانی ، سعدی شیرازی - فرید . مبارزه حیات - امین خاکی .

مخمس تاریخی : بویوکلر مرشد . صعب بن عمیر . طاهر المولوی . امین خاکی - احسان محوی .

مخمس فنی : دوربینك اختراعی - .

مدرسة الفضائده توزیع رؤس مراسمی
(حسن و عشق) و (هند ماكلاری)

افاده مخصوصه

محفل مجموعه سی ؛ بتوفیقہ تعالیٰ بونسخہ ایله
ایکینچی سال انتشارینه داخل اولویور. سنه سابقه به
عائدنسخه لرینک کوزدن کچیر یله سیمله ده آکلاشیله جفی
اوزره اونلرک مندرجاتنده صاحبجه ایستنه نیلن
مکملیت حصوله کتیر یله مه مش ایسه ده هیچ اولمازسه
انتظام نشری محافظه ایدیلش و صانیورم که تدریجی
بر تکامل کوستریله بیلمشدر .

نه فخرست این سخن ازباب شکرست

بزد اهل دین تمهید عذرست

پک بارز بولونان بوتکامل ؛ بامکه (تکمل)
درجه سنه چیقار یلیردی . فقط بونک ایچین مجموعه نك
ارباب فضیلت و اصحاب مطالعه طرفندن مظهر
مظاهرت اولماسی لازمدی .

باب دمساز خود کرجفتی همچون من گفتنبا کفتی
مع الاسف بویله اولماقدن باشقه هیچ ده
اومولمایان بعض ذواتک صرف عندی و کیفی ممانعتنه
اوغرا دی که صیراسی کلینجه بوممانعتک غرابخی عرض
وایضاح ایدیه جکدر . شیمدیلک :

«باشلار لمان اتمکه برنیر عرفان»

«هر لحظه افولان کوزه دیرشب بره طبعان»

بیتیلر اکتفای مناسب کورویورم .

محفلک اکثر صحائفی - برهان نقصانم اولان -
کندی یازیلرم اشغال ایله مش اولدیغندن طولایی
قارئلرمک عفونی تمنی ایدرم . لکن اسملری
مجموعه نك قابنه یازدیغیم و معاونت لرینک منتداریشکرانی
قالدیغیم ذواتدن ماغدا فضلازی عصرک یاردیمنه
اوغرامادم ، حتی بونلردن جدا ، محترم برینه :

— محفل ؛ اسلامیته خدمت املیه نشر ایدیلور .

اللهمک مسلمان قوی یا لکزر بن دکل .

دیدیکم حالده آنجاق :

— حقک وار . جوابیله مقابله کوردم .

بناء علیه : کلک مانیز زبانی و بیانی دارد

جراثیله دکل ،

کهن خرقة خویش یراستن به از جامه عاریت خواستن
مجبوریتیله یازدم . ظن ایدرم که مجبور اولان معذور
کورولور .

مقالات مندرجه دن باشقه کونده ریلان بعضی
یازیلر داها واردی . برقسمنی درج ایدمه دم ،
اوته کیلریخی ده ایدمه دم . چونکه : بوایکینجیلری
قویسه ایندم محفل رساله سی ؛ غرائب مجموعه سی
اولا جقدی .

اثری درج اولونامایانلرک ؛ حرکتی خوش
کوره جکلریخی وشو حرکتک هم محفل ، هم ده
کندیلریخی محافظه ایله دیکنه قناعت کتیره جکلریخی
اومارم .

شوهه وار که براترک تکمل و تأمین انتشاری ؛
کوره جکی رغبت و بولاجنی رواج ایله قابل اوله بیلیر .
له الحمد و المنة محفلک فضله قارئ بولوندیغنی ، مطالعه
ایستدیکنی سویله سنلردن آکلایورم . صوکر ایچیه
آبونه سی اولدیغنی و هر آی منتظماً بر جوق نسخه
یولانیلدیغنی بیلورم . فقط هر نه دنسه مرسل
مجموعه لردن اکثرینک بدل اشتراسی هنوز تأدیه
ایدیلده دی . یولانیلان نسخه لر ؛ بوش آتوب
طولو طومق فکریله دکل ، یا بالذات ، یا خود
بالواسطه وقوع بولان طلب اوزره رینه کونده ریلور دی .
مهمجه بر مقداره بالغ اولان بوبدلانک تسویه سی ،
شبهه سنزدور که محفلک دوام و کالسه خدمت
ایده جکدر .

محترم قارئلرمک بو خصوصه تکرار نظر
دقتلریخی جلب ایدر و بعد ما غرتنه کونده ریلمه سی
ایسته نیلدیکی تقدیرده - اداره نك پوسته باره سنیدن
اولسون استفاده سی ایچین - معلومات ویریله سی
تمنی ایلرم . طاهر المولوی

محفل اداره خانه سی ؛ جمعه ، بازار ، چهارشنبه
کونلری اوکلدن اول ۹ - ۱۱ وینه جمعه کونی بعد الظهر
۲ - ۶ ساعتلرنده آچقدور .

محفل ادبی

نعت مهبل حضرت نبوی
چراغ بزم خدا حضرت محمددر
جهانه نور هدی حضرت محمددر
یکانه خالق عالم جناب رب احد
انیس و محرم اکا حضرت محمددر
شفیع هر دو جهان ، سر رحمت رحمن
عریف « ثم دنی » حضرت محمددر
حدوث کون و مکانک کزیده بادیدی
او کان مهر و وفا حضرت محمددر
ستوده خلق ، جلیل السیر ، ملیح و نجیب
سزای مدح و ثنا حضرت محمددر
مال نکته ایمان و شاهد یزدان
ظهور فیض علا حضرت محمددر
مدار شمس ضحی ، عالمینه بدر دجی
عبونه عین ضیا حضرت محمددر
بوکاشات ، بر آینه الهیدر
ایچنده جلوه نما حضرت محمددر
صعود! سر بسجودم حضور نامنده
امیر و شاه، بکا حضرت محمددر.

حفید و حدیق

معورد المولوی

*

رمضان تحسینات و تأثیراتی

حکمای اسلامیه دن فخرالدین رازی استادیمز
تفسیر کیرنده دیورکه: بنی آدمک ابدان و ارواحی
مضطرب ایدن آلام و اکدارک هپسی «فراق» دن
متولددر. مثلاً برخسته بی مضطرب ایدن، اجزای
بدنیسه سی آراسنده حصوله کلن فراقدن متولد آلام

وا کدار اولدینی کبی، بر عاشقی نالان و کریان ایدن،
کندیسیله دلرباسی آراسنده کی فراقدن متحصل
آلام و اکداردر. كذلك اصحاب آمالک دوچار
اولدقلمری آلام واضطرابات روحیه نک مولد
و منشأی ده ینته کندیلریله نخبه امللرینک آراسنده کی
فراقدن عبارتدر.

فیلسوفلر، بشریتک حیات دینویه سنی مسعود
ایده بیلجک حالات و شرائطک تحلیل و تعریفی
خصوصصنده مختلف مطالعانه بولمقده درلر.
فخرالدین رازی خواجه منک متقدم تحلیلاتیه تأید
ایدن ملاحظات عاجزانه مه کوره: بشریتک سعادت
« وصال » ایله، خسراتی ده « فراق » ایله تعریف
ایتمک اک دوغری بر طرز تلقی اولور. هر هانکی
فرد بشر کلیات آمالندن نه قدرینه پیدای وصال
ایده بیلیرسه، اونستنده نائل سعادت اولور؛ بالعکس
کدسته آمالک نه مقدارندن دور و مهجور قالیرسه
افق حیاتنده اونستنده خسران بایقوشلری اوتر.
فقط سر خلقت ایجابندن اولمق اوزره، بشریت
نه هر جهتدن وصال آمال ایله تماماً مسعودانه بر حیات
کچره بیلور، نه ده هر زمان فراق آمال ایله خسران
مطلقه معروض قالور. شو حالده مسعادتده،
خسران ده نسبی بر شکل مظهریت آلیورکه:

وماکل ما تمینی المرء یدرکه

تجری الریاح بمالاتشهی السفن

دین شاعرده، لسان شعرا یله فلسفه حیاتک بومشکل
نقطه صنی تحلیلله چالیشور. او یله یا! روز کارلردائما
مراکب بحریه نک مقتضای سیر و سفرینه موافق
اوله رق اسمدیکی کبی، حادثات کونیه ده دائماً
بشریتک دلخواهی وجهله جریان ایتمز. انسان
بعضاً وصال آمال ایله تلخکام اولور. فقط فراق
وصاله نسبتله دائماً غالبدر، آنک ایچوندوکه دهان